



## Publicaziuns dalla vischnaunca, jamna 13

### Damonda da baghegiar

#### 2016-1019.000

##### Datum dalla publicaziun: Igl 1. d'avrel 2016

Il patron: Sonja Coray-Capaul, Via Run 9, 7180 Disentis/Mustér  
Il representant: Stefan Coray-Capaul arch. ing. dipl., Via Lucmagn 4, 7180 Disentis/Mustér  
Object: Midada d'intent, endrizzar in caffè/bar cun terrassa el plaunterren dalla casa sin parcella 717, Via Lucmagn 4, 7180 Disentis/Mustér

#### 2016-1020.000

##### Datum dalla publicaziun: Igl 1. d'avrel 2016

Il patron: Claustra Mustér, Via Claustra 1, 7180 Disentis/Mustér  
Il representant: Schmid Krieger AG, Klosterstrasse 14, 6003 Luzern  
Object: Restauraziun e sanaziun dallas fatschadas dalla baselgia Sogn Martin, construcziun d'in access pil plazzal d'installaziun, parcella 580, Via Claustra 1, 7180 Disentis/Mustér

#### 2016-1021.000

##### Datum dalla publicaziun: Igl 1. d'avrel 2016

Il patron: Tumaisch e Brigitte Fry-Kempf, Hoheneggweg 8, 8636 Wald ZH  
Il representant: Tarcisi Maissen SA, Via Resgias 16, 7166 Trun  
Object: Plaz da seser cun tetg, casa sin parcella 549, Via Caschuarz 2, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 30 da mars 2016  
*Uffeci da baghegiar Disentis/Mustér*

---

### Votaziun communal dils 24-4-2016

#### Invitaziun ad ina sera d'informaziun publica

**Cu:** Mesjamna, ils 6 d'avrel 2016 allas 20.15.  
**Nua:** Center sursilvan d'agricultura a Salaplauna  
**Program** 1. Orientaziun davart il project e la finanziaziun dils cuosts dalla meglieraziun funsila  
2. Discussiun

Geraua Cecilia Maissen-Desax ed il president dalla cumissiun da meglieraziun, Walter Deplazes, vegnan a presentar il project e star a disposiziun per rispunder damondas.

Cordiala invitaziun a tuts interessai.  
*Suprastonza communal*

---

### Serrada dalla via Pardomat Publicaziun da cooperaziun

Igl uffeci cantunal da construcziun bassa dil Grischun cuntinuescha uonn cun la sanaziun dalla via da comunicaziun a Pardomat. Durent las lavurs da construcziun sto la via vegnir serrada per scadin traffic sil tschancun Punt Russein entochen tier la punt dil Rein.



**Naven da mesjamna, ils 30 da mars entochen venderdis, ils 20 da matg 2016, mintgamai ils luerdis, naven dallas 7.00 entochen allas 18.00.**

In'untgida ei pusseivla sin la via da communicaziun Mustér–Cavardiras–Pardomat per vehichels entochen 11 tonnas.

Per pedunzs e velocipedists ei il transit adina pusseivels.

**Cun las lavurs da construcziun da vart dretga dil Rein vegn entschiet suenter miez matg 2016. Informaziuns pertuccont l'untgida dil traffic suondan pli tard.**

Per ulteriur sclariment san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14, ni tier igl uffeci da baghegiar dalla vischnaunca da Mustér, Ervin Maissen, telefon 081 920 36 46.

Nus engraziein per Vossa capientscha.

Disentis/Mustér, ils 21 da mars 2016

*Uffeci da construcziun bassa dil Grischun, district 6, Pius Cavegn*

*Uffeci da baghegiar dalla vischnaunca da Mustér, Ervin Maissen*

---

## Plan da quartier Via Veglia/Revisiun

### Publicaziun officiala

Sebasond sin art. 51 dalla lescha davart la planisaziun dil territori pil cantun Grischun (KRG/LPT) ed art. 18 e 21 dall'ordinaziun davart la planisaziun dil territori pil cantun Grischun (KRVO/OPT) vegn publicau officialmein suandonta documentaziun en connex cun la revisiun dil plan da quartier Via Veglia:

- |   |                          |
|---|--------------------------|
| – Prescripziuns tiel plan da quartier       | rev. ils 29 da mars 2016 |
| – Plan da quartier, plan da formaziun 1:200 | rev. ils 9 da mars 2016  |
| – Plan da quartier, plan d'avertura 1:200   | rev. ils 9 da mars 2016  |

### Informativ:

- |   |                     |
|---|---------------------|
| – Plan da quartier, plan davart il possess actual 1:200 | dils 4 da mars 2015 |
| – Plan da quartier, plan davart il possess niev 1:200   | dils 4 da mars 2015 |

Dil plan da quartier Via Veglia sa vegnir priu envesta durant 30 dis naven digl 1. d'avrel 2016 entochen igl 1. da matg 2016 en casa communal (stanza 10) durant las uras da spurtegl. Durant il temps d'exposiziun sa vegnir fatg protesta alla suprastanza communal, caum postal 57, 7180 Disentis/ Mustér. La protesta sto vegnir inoltrada a scret ed ei da motivar. Legitimai d'inoltrar ina protesta ein personas che san far valer enviers la planisaziun da quartier interess persunals, digns da vegnir protegi ni ch'ei legitimai leutier sin fundament dil dretg federal.

Disentis/Mustér, ils 30 da mars 2016

*Suprastanza communal*

---

## Controlla da habitonts

### Mortori

Anna Columberg-Lutz, naschida ils 31 da december 1918, morta ils 25 da mars 2016

---

## Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei



s'adressein nus a Vus cun ina ferventa: [www.pumpiers-sursassiala.ch](http://www.pumpiers-sursassiala.ch).

*Vos pumpiers Sursassiala*

---

## Rimnada da pupi

### Venderdis, ils 22-4-2016

Adatg! Ei vegn mo rimnau gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00). Bien engraziament per

Vies agid e sustegn!

*Scolas Mustér, Ch. Berger*

---

## Pleiv s. Gion Mustér

**Radunonza generala dalla pleiv s. Gions, venderdis, ils 8 d'avrel** allas 20.15 en halla Cons

Tractandas:

1. Elecziun da dus dumbravuschs
  2. Protocol dalla davosa radunonza generala
  3. Elecziuns:
    - president
    - ugau-baselgia s. Gions
    - president dil cussegl pastoral
    - commembers dil cussegl pastoral
    - revisur/a da quen
  4. Rapport dil president
  5. Rapport dil cussegl pastoral
  6. Rapport da quen: pervenda s. Gions
  7. Rapport da quen: baselgia s. Gions
  8. Rapport da quen: baselgia Segnas
  9. Rapport da quen: baselgia Cavardiras
  10. Rapport dils revisurs
  11. Damonda da credit per la baselgia s. Antoni
  12. Preventivs e fixar il pei da taglia
  13. Orientaziuns
  14. Undraziuns
  15. Varia
- 

## «Potzmusig»

### sin viseta a Disentis/Mustér

Venderdis, ils 8 d'avrel 2016, denter las 18.00 e las 20.00 viseta Nicolas Senn cun l'emissiun «Potzmusig» nossa vischnaunca. La tematica principala ei la 17. Fiasta federala d'accordeon che ha liug naven dils 3 entochen ils 5 da zercladur 2016. L'emissiun sco tala vegn lu emessa el decuors dil matg. Il termin vegn publicaus pli tard. Persunas interessadas san recaltgar biglietti d'entrada el chalet che vegn plazzaus avon halla Cons sut: [www.srf.ch/sendun-gen/potzmusig/tickets-potzmusig-unterwegs](http://www.srf.ch/sendun-gen/potzmusig/tickets-potzmusig-unterwegs).

*Il CO 17. □ iasta federala d'accordeon 2016*



### Uniun samaritana Mustér

Nies proxim exercezi meinsil ensemen cun l'uniun samaritana da Medel ha liug gliendisdis, ils 11 d'avrel 2016 allas 19.30 en casa da scola, Cons. Era buca commembers da noss'uniun che han interess da fuffernar inaga tier nus ein envidai cordialmein a quei exercezi.

A stedia participaziun envida

*Uniun Samaritana Mustér, menadra tecnic*

### **Cuors: Agid d'urgenza tier affons pigns (Notfälle bei Kleinkindern)**

**Sonda, ils 16 d'avrel 2016**, 8.00–12.00/14.00–18.00 en casa da scola, Mustér. Il cuors sedrezza a mummas e babs, tattas e tats ed a tut las personas che han da far cun affons pli pigns ed era pli gronds. Ulteriur sclariment ed annunzias entochen ils 6 d'avrel 2016 tier Letizia Schmed, 079 486 41 92, ni e-mail [leti.schmed@miumail.ch](mailto:leti.schmed@miumail.ch)

---

### Uniun da dunnas Disentis/Mustér

#### «Dunnas ella politica»

Nus envidein tuttas dunnas tier nossa sera d'informaziun. La referenta Silvia Casutt da Falera, deputada dil cussegl grond, sco il referent Livio Zanetti, president dil cussegl da vischnaunca da Mustér, dattan investa el mintgadi politic. Per damondas stattan els bugen a Vossa disposiziun.

Nus s'entupein **mesjamna, ils 13 d'avrel 2016** allas 20.00 el local Aua Viva. Suenter il referat vegn offeriu in pign apéro. Sin in grond diember da dunnas selegran

*las organisaturas e la suprastonza*

#### **Crear flipflops cun Catarina Steger**

**23 d'avrel 2016**, 13.00–ca. 17.30

Liug: casa da scola Mustér, stanza C

Annunzias: entochen ils 15 d'avrel 2016 tier Catarina Steger, telefon 081 947 64 08, 076 529 58 47,

[csteger@scoladisentis.ch](mailto:csteger@scoladisentis.ch)

---

### **Corporaziun d'aua «Las Fontaunas» Mumpé Medel**

**Radunonza generala, mesjamna ils 13 d'avrel 2016** allas 20.15 el local «la scursalada» a Mumpé Medel.

Tractanadas:

Beinvegni

1. Elecziun da dus dumbravuschs
2. Prelecziun ed approvaziun dil protocol dils 14 da november 2015
3. Rapport dil president
4. Rapport project reservoir Vitgava
5. Rendaquen, rapport dils revisurs e dar scarica
6. Avegnir corporaziun d'aua «Las Fontaunas»
7. Orientaziun niev project
8. Taxas annualas
9. Varia



### **Ladies-Day in Disentis**

Am **Samstag, 9. April 2016** von 11.00-17.00 Uhr findet im Hotel Sax die Haushalts-, Beauty- und Kreativprodukt-Messe statt. Männer sind ebenfalls herzlich willkommen.

Wir freuen uns auf Ihr Kommen!

---

### **Secziun da catschadurs Péz Alpetta**

**Radunonza da tgira, venderdis ils 8 d'avrel 2016**, allas 20.15 el hotel Alpsu.

---

### **Sustegn Carillon – La davosa schanza!**

La gruppa d'interess Carillon Disentis/Mustér engrazia allas personas privatas, fatschentas, fundaziuns etc. che han gia susteniu il salvament dil «carillon»! In grond plascher procura la gronda part dallas fatschentas che sustegnan tochen ussa quella acziun. Tochen uss ha la gruppa d'interess rimnau 35 000.– francs. Tochen la fin dil meins drova ei aunc 15 000 francs per saver cumprar il «carillon». Il conto dalla «IG Carillon Disentis/ Mustér» sesanfla tier: Banca Raiffeisen Cadi, Via Cons 1, 7180 Disentis/Mustér, tel. 081 920 30 60, [cadi@raiffeisen.ch](mailto:cadi@raiffeisen.ch) IBAN CH22 8107 2000 0076 6337 9.

*In grond engraziament a tuts IG Carillon Disentis/Mustér*